

গণপ্রজাতন্ত্রী বাংলাদেশ সরকার  
হিন্দুধর্মীয় কল্যাণ ট্রাস্ট  
ধর্ম বিষয়ক মন্ত্রণালয়  
১/আই, পরিবাগ, শাহবাগ, ঢাকা  
[www.hindustrust.gov.bd](http://www.hindustrust.gov.bd)

হিন্দু ধর্মীয় কল্যাণ ট্রাস্টের ট্রাস্টি বোর্ডের ৯৫তম সভার কার্যবিবরণী।

সভাপতি : অধ্যক্ষ মতিউর রহমান  
মাননীয় মন্ত্রী, ধর্ম বিষয়ক মন্ত্রণালয়  
ও চেয়ারম্যান, হিন্দুধর্মীয় কল্যাণ ট্রাস্ট।  
সভার তারিখ : ৩০/১০/২০১৭ খ্রিস্টাব্দ, সময় : বিকাল ৫:০০ ঘটিকা।  
স্থান : মাননীয় মন্ত্রীর সরকারি বাসভবন (২৫ বেইলী রোড, রমনা, ঢাকা)।  
সভার উপস্থিতি : পরিশিষ্ট-ক

সভাপতি মহোদয় উপস্থিত সকলকে স্বাগত জানিয়ে সভার কাজ শুরু করেন। সভার শুরুতে পবিত্র গীতা থেকে শ্লোক পাঠ করেন সম্মানিত ট্রাস্টি অধ্যাপক নিরঞ্জন অধিকারী।

সম্মানিত ট্রাস্টি, শ্রী রাখাল দাশগুপ্ত জানান যে, প্রাক্তন ট্রাস্টি শ্রী রণজিত কুমার চৌধুরী গত ২৬ সেপ্টেম্বর ২০১৭ তারিখে চট্টগ্রামে ৮৫ বছর বয়সে পরলোকগমন করেন (দিব্যান্ লোকন্ স গচ্ছতু)। তার আত্মার শান্তি কামনায় ১ মিনিট নিরবতা পালন করা হয়। প্রাক্তন ট্রাস্টি শ্রী রণজিত কুমার চৌধুরী গত ১৯৯৬ সন থেকে ২০০১ সন পর্যন্ত হিন্দুধর্মীয় কল্যাণ ট্রাস্টের সম্মানিত ট্রাস্টি ছিলেন। তিনি তার জীবদ্দশায় বিভিন্ন সামাজিক ও উন্নয়নমূলক কাজের সাথে সম্পৃক্ত ছিলেন। তিনি বাংলাদেশ হিন্দু বৌদ্ধ খ্রিস্টান ঐক্য পরিষদ, বাংলাদেশ হিন্দু ফাউন্ডেশন, বাংলাদেশ পূজা উদযাপন পরিষদ, প্রবর্তক সংঘ, বাংলাদেশ হার্ডওয়ার এন্ড মেশিনারি মার্কেট এসোসিয়েশন এবং চট্টগ্রাম সংসঙ্গ আশ্রমের সংগঠক হিসাবে সুনামের সাথে দায়িত্ব পালন করেছেন। মৃত্যুকালে তিনি ছেলে-মেয়ে সহ অসংখ্য গুণাগ্রহী রেখে গেছেন। দেশের ধর্মীয় সংখ্যালঘু হিন্দু জনগোষ্ঠীর স্বার্থরক্ষা ও সমনাগরিক অধিকার আদায়ে তিনি অগ্রহী ভূমিকা পালন করেছেন। সুদক্ষ সংগঠক, দূরদৃষ্টিসম্পন্ন সেবাপরায়ণ যোগ্য নেতা রণজিত কুমার চৌধুরী পারিবারিকভাবে এক পুত্র ও পাঁচ কন্যা সন্তানের গর্বিত পিতা; যারা স্ব-স্ব ক্ষেত্রে প্রতিষ্ঠিত। হিন্দুধর্মীয় কল্যাণ ট্রাস্ট তার মৃত্যুতে শোকসন্তপ্ত পরিবারের সাথে একাত্ম হয়ে গভীর শোক প্রকাশ করছে। শ্রী রণজিত কুমার চৌধুরী, প্রাক্তন ট্রাস্টির পরলোকগমনে অত্র সভায় সর্ব সম্মতিক্রমে শোক প্রস্তাব গৃহীত হল।

সভাপতি মহোদয় সভায় জানান যে, তিনি সম্প্রতি রোহিঙ্গা শরণার্থী ক্যাম্প সরেজমিনে পরিদর্শন করেছেন। এ প্রসঙ্গে তিনি জানান যে ৭১ সালেও এ দেশের ১কোটি মানুষ ভারতে শরণার্থী হয়েছিল। তবে রোহিঙ্গাদের অবস্থা আরো শোচনীয় মানবিক দিক বিবেচনা করে মাননীয় প্রধানমন্ত্রী জননেত্রী শেখ হাসিনা রোহিঙ্গাদের আশ্রয় দিয়ে মহানুভবতার পরিচয় দিয়েছেন এবং তাঁর এ দৃষ্টিভঙ্গি আন্তর্জাতিক সম্প্রদায়ের কাছে প্রশংসিত হয়েছে এবং তিনি মাদার অব হিউম্যানিটি উপাধি প্রাপ্ত হয়েছেন। এ সভার পক্ষ থেকে মাননীয় প্রধানমন্ত্রী শেখ হাসিনাকে কৃতজ্ঞতা জানানো হয় এবং ধন্যবাদ প্রস্তাব সর্বসম্মতিক্রমে গৃহীত হয়।

ভাইস চেয়ারম্যান বিচারপতি গৌর গোপাল সাহা জানান যে, শরণার্থীর সমবেদনা আমরা বুঝি। রোহিঙ্গা শরণার্থীদের পাশে থেকে তাদেরকে সহায়তা করার জন্য সকলকে এগিয়ে আসার আহ্বান জানান। পাশাপাশি রোহিঙ্গা কর্তৃক বাংলাদেশী যুবক হত্যার জন্য সভায় নিন্দা জানানো হয় এবং সর্ব সম্মতিক্রমে নিন্দা প্রস্তাব গৃহীত হয়।

অতঃপর সভাপতির অনুমতিক্রমে ট্রাস্টের সচিব এজেন্ডা ভিত্তিক আলোচনা শুরু করেন।

০১। গত ২১/০৮/২০১৭ তারিখে অনুষ্ঠিত ৯৪তম বোর্ড সভার কার্যবিবরণী অনুমোদন ও দৃঢ়করণ।

আলোচনা :- ট্রাস্ট সচিব বিগত ২১/০৮/২০১৭ তারিখে অনুষ্ঠিত ৯৪তম বোর্ড সভার কার্যবিবরণী সভায় পাঠ করে শুনান এবং সম্মানিত ট্রাস্টিগণের কোন প্রস্তাব থাকলে তা উপস্থাপন করার আহ্বান জানান।

সম্মানিত ট্রাস্টি শ্রী রিপন রায় লিপু জানান যে, গত সভায় সুষ্ঠু হজ ব্যবস্থাপনার জন্য মাননীয় চেয়ারম্যান অধ্যক্ষ মতিউর রহমানকে ধন্যবাদ জানিয়ে ধন্যবাদ প্রস্তাব গৃহীত হয় তা কার্যবিবরণীতে অন্তর্ভুক্ত হওয়া আবশ্যিক। আলোচনান্তে নিম্ন লাইন সমূহ কার্যবিবরণীর ১৮ নং লাইনের পরে অন্তর্ভুক্ত করা হল।



সংশোধনী প্রস্তাব:- ১. “শ্রী রিপন রায় লিপু জানান যে, ২০১৭ সালের হজ যাত্রীদের হজ ব্যবস্থাপনায় অনেক প্রতিকূলতা থাকলেও মাননীয় চেয়ারম্যানের দৃঢ় ও কার্যকর পদক্ষেপ গ্রহণের কারণে এ বারের হজ ব্যবস্থাপনা সুন্দর ভাবে সম্পন্ন হয়েছে। সুন্দর ব্যবস্থাপনার জন্য মাননীয় চেয়ারম্যানকে সভা থেকে ধন্যবাদ জানানো হয় এবং সর্বসম্মতিক্রমে ধন্যবাদ প্রস্তাব গৃহীত হয়।”

সংশোধনী প্রস্তাব:- ২. এতদব্যতীত কার্যবিবরণীর প্রশাসনিক উপ-কমিটিতে রাখাল চন্দ্র দাশগুপ্ত, প্রচার ও প্রকাশনা উপ-কমিটিতে এ্যাডভোকেট নিমাই চন্দ্র রায়, তীর্থ ভ্রমণ উপ-কমিটিতে শ্রী রিপন রায় (লিপু) এবং প্রকল্প প্রণয়ন ও বাস্তবায়ন উপ-কমিটিতে সম্মানিত ট্রাস্টি এ্যাডভোকেট উজ্জ্বল প্রসাদ কানুর আগ্রহের প্রেক্ষিতে সদস্য হিসাবে অন্তর্ভুক্ত করা হয়।

সিদ্ধান্ত :- ১. কার্যবিবরণী সম্পর্কে আর কোন সংশোধনী প্রস্তাব না থাকায় উপরোক্ত দুটি সংশোধনী প্রস্তাব সহ ৯৪তম বোর্ড সভার কার্যবিবরণী দৃঢ় করা হলো।

২। হিন্দুধর্মীয় কল্যাণ ট্রাস্টের আইন সম্পর্কিত আলোচনা।

আলোচনা :- সচিব সভায় জানান যে, হিন্দুধর্মীয় কল্যাণ ট্রাস্ট আইনটি গত ৩১/০৭/২০১৭ তারিখে মন্ত্রিপরিষদ বিভাগের অনুমোদনের জন্য উপস্থাপন করা হয়। প্রস্তাবিত আইনে সরকারের যুগ্মসচিব বা তদুর্ধ্ব পদমর্যাদার হিন্দুধর্মীয় কর্মকর্তাগণের মধ্য হতে সরকার কর্তৃক সচিব নিযুক্তির বিষয়টি প্রস্তাবিত আইনে উল্লেখ থাকলেও সরকারের পরিবর্তে ট্রাস্ট বোর্ড কর্তৃক সচিব নিয়োগে অন্তর্ভুক্ত করে মন্ত্রিপরিষদ আইনটির চূড়ান্ত অনুমোদন দেয়।

সম্মানিত ট্রাস্টি এ্যাডভোকেট রথীশ চন্দ্র ভৌমিক (বাবু সোনা) জানান যে, সরকারের পক্ষ থেকে প্রেষণে সচিব নিয়োগ হলে সরকারের সাথে ট্রাস্টের যোগাযোগ স্থাপন সহজ হবে। পক্ষান্তরে ট্রাস্ট বোর্ড কর্তৃক সচিব নিয়োগ দীর্ঘসূত্রিতা বিধায় ট্রাস্টের সচিব পদে বাংলাদেশ সরকারের যুগ্মসচিব পর্যায়ের কর্মকর্তাকে নিযুক্তির বিষয়টি অক্ষুন্ন রেখে এ বিষয়ে ত্বরিত ব্যবস্থা নিয়ে আইনটি পুনরায় মন্ত্রী পরিষদে উপস্থাপনের নিমিত্তে প্রেরণের জন্য ধর্ম বিষয়ক মন্ত্রণালয়ের সচিব মহোদয়কেও অনুরোধ করা হয়। কেবিনেটে উত্থাপিত আইনটি আন্তঃমন্ত্রণালয় মতামত এবং আইন মন্ত্রণালয়ের ভেটিং হয়ে তা কেবিনেটে উপস্থাপিত হয়েছিল কাজেই, ইতোপূর্বে কেবিনেটে উপস্থাপিত আইনটিই চূড়ান্তভাবে গ্রহণ করার জন্য মাননীয় প্রধানমন্ত্রীকে অনুরোধ জানানো হয়। সচিবকে বিষয়টি ত্বরিত মন্ত্রণালয়ে অবহিত করার জন্য অনুরোধ করা হয়। সকল সদস্য এ প্রস্তাবে একমত পোষণ করেন। সভাপতি মহোদয় এ বিষয়ে প্রয়োজনীয় সহায়তা করবেন মর্মে সকল সদস্যকে আশ্বস্ত করেন।

সিদ্ধান্ত :- ২. হিন্দুধর্মীয় কল্যাণ ট্রাস্ট আইন/২০১৭তে সরকারের পক্ষ থেকে প্রেষণে সচিব নিয়োগ সম্পর্কিত ভেটিংকৃত ও ইতোপূর্বে উত্থাপিত আইনটি মন্ত্রিপরিষদ বিভাগের অনুমোদন দেওয়ার জন্য মাননীয় প্রধানমন্ত্রীর সানুগ্রহ দৃষ্টি আকর্ষণ করা হয়। কেবিনেটে উত্থাপনের বিষয়ে ধর্ম বিষয়ক মন্ত্রণালয়ের মাননীয় সচিবকে অনুরোধ করা হয়। সচিব, হিন্দুধর্মীয় কল্যাণ ট্রাস্ট ত্বরিত এ সভার সিদ্ধান্ত মন্ত্রণালয়কে অবহিত করবেন।

৩। শ্রী প্রশান্ত কুমার বিশ্বাস, ফিল্ড অফিসারের আবেদন বিষয়ে আলোচনা।

আলোচনা :- এ বিষয়ে সচিব জানান যে, ৯৪তম ট্রাস্টি বোর্ড সভার সিদ্ধান্তের প্রেক্ষিতে ট্রাস্টের ফিল্ড অফিসার জনাব প্রশান্ত কুমার বিশ্বাসকে গত ২৪/০৮/২০১৭ তারিখে সাময়িক বরখাস্ত করা হয়। ১৭/০৯/২০১৭ তারিখে কারণ দর্শানোর নোটিশ করলে তিনি ১৭/০৯/২০১৭ তারিখে নোটিশের জবাব প্রদান করেন। নোটিশের জবাব সভায় পাঠ করে শুনানো হয়। সম্মানিত ট্রাস্টিগণ এ বিষয়ে সভায় আলোচনা করেন। ভাইস চেয়ারম্যান মহোদয় জানান যে, তার বক্তব্য গ্রহণযোগ্য নয়। তার আচরণের বিষয়ে ব্যাখ্যা প্রয়োজন। তাকে পুনরায় কারণ দর্শানো যেতে পারে। সম্মানিত ট্রাস্টি শ্রী সুরত পাল জানান যে, ফিল্ড অফিসার তার আচরণের কারণে যথেষ্ট শাস্তি ভোগ করেছেন। তার কাছ থেকে পুনরায় জবাব নিয়ে জবাবে সভাপতি মহোদয় সন্তুষ্ট হলে ফিল্ড অফিসারকে কাজে যোগদানের জন্য অনুমতি প্রদানের জন্য সভাপতি চূড়ান্ত সিদ্ধান্ত দিবেন। পরবর্তী বোর্ড মিটিং পর্যন্ত অপেক্ষা করার প্রয়োজন নেই। এ বিষয়ে সকল ট্রাস্টি একমত প্রকাশ করেন। সভাপতি এ বিষয়ে প্রয়োজনীয় ব্যবস্থা নিবেন মর্মে সকলকে আশ্বস্ত করেন।

সিদ্ধান্ত :- ৩. শ্রী প্রশান্ত কুমার বিশ্বাস, ফিল্ড অফিসারের কারণ দর্শানোর দেয় জবাব সন্তোষজনক নয়। পুনরায় কারণ দর্শানোর জন্য পত্র দিতে হবে।



৪। হিন্দুধর্মীয় কল্যাণ ট্রাস্টের কর্মকর্তা/কর্মচারীদের অবসর-উত্তর ছুটি ভাতা প্রদান বিষয়ে আলোচনা।

আলোচনা :- সচিব সভায় জানান যে, ট্রাস্টের কর্মকর্তা/কর্মচারীদের অবসর-উত্তর ছুটি ভাতা প্রদানের বিষয়ে অন্যান্য সমপর্যায়ের প্রতিষ্ঠানের ন্যায় যেমন, বাংলাদেশ জাতীয় সমাজকল্যাণ পরিষদ, বাংলাদেশ সংস্কৃত ও পালি শিক্ষা বোর্ড ইসলামিক ফাউন্ডেশনের ন্যায় অবসর-উত্তর ছুটি প্রদান করা যেতে পারে। সকল সদস্য এ বিষয়ে একমত পোষণ করেন। ট্রাস্টের বিধিমালা চূড়ান্ত করা হয়নি। ট্রাস্টের বিধিমালায় তা অন্তর্ভুক্ত করা যায়।

সিদ্ধান্ত :- ৪. ট্রাস্টের প্রবিধানমালায় অন্যান্য সমপর্যায়ের প্রতিষ্ঠানের ন্যায় অবসর-উত্তর ছুটি ভাতা প্রদানের বিষয় অন্তর্ভুক্ত থাকবে।

৫। ট্রাস্টের সংশোধিত বাজেট উপস্থাপন ও অনুমোদন।

(ক) ২০১৬-২০১৭ অর্থ বছরের সংশোধিত আয় এবং ২০১৭-২০১৮ অর্থ বছরের প্রস্তাবিত/সম্ভাব্য আয়-ব্যয় সভায় আলোচনান্তে নিয়ে উপস্থাপন করা হয়।

|     | আয়ের খাত                                                       | প্রস্তাবিত আয়<br>২০১৬-১৭ | সংশোধিত আয়<br>২০১৬-১৭ | প্রস্তাবিত/সম্ভাব্য<br>আয় ২০১৭-১৮ | মন্তব্য                                                                          |
|-----|-----------------------------------------------------------------|---------------------------|------------------------|------------------------------------|----------------------------------------------------------------------------------|
| ০১. | কর্মকর্তা/কর্মচারীগণের বেতন ভাতা ও সংস্থাপন ব্যয় বাবদ প্রাপ্তি | ৮৯,৯৮,০০০/-               | ৮৯,৯৮,০০০/-            | ১,১৯,০০,০০০/-                      | ধর্ম বিষয়ক মন্ত্রণালয় হতে সাধারণ মঞ্জুরি, মেরামত মঞ্জুরি ও মূলধন মঞ্জুরি বাবদ। |
| ০২. | স্থায়ী আমানতের লভ্যাংশ                                         | ১,৫০,০০,০০০/-             | ১,৪৯,১৪,০৪০/-          | ১,১০,০০,০০০/-                      | স্থায়ী আমানত হতে প্রাপ্য লভ্যাংশ। সুদের হার কমে যাওয়ায় আয় হ্রাস।             |
| ০৩. | দুর্গাপূজার অনুদান                                              | ১০,০০,০০,০০০/-            | ১,৫০,০০,০০০/-          | ১০,০০,০০,০০০/-                     | মাননীয় প্রধানমন্ত্রীর ত্রাণ ও কল্যাণ তহবিল থেকে প্রাপ্তি                        |
| ০৪. | মঠ/মন্দির/আশ্রম ও দুঃস্থ ব্যক্তির অনুদান প্রদানের জন্য          | ১০,০০,০০,০০০/-            | ০০                     | ১০,০০,০০,০০০/-                     | ধর্ম বিষয়ক মন্ত্রণালয় হতে প্রাপ্তি সাপেক্ষে                                    |
| ০৫. | মহান বিজয় দিবস ও স্বাধীনতা দিবস উদযাপনের জন্য প্রাপ্তি         | ৫২,০০০/-                  | ৫১,০০০/-               | ৫২,০০০/-                           | জাতীয় দিবস উপলক্ষে সরকারি সাহায্য মঞ্জুরী                                       |
| ০৬. | পুরাতন অব্যবহ্য কাগজ/পত্রিকা বিক্রি মূলে প্রাপ্তি               | ১,০০০/-                   | ৪০০/-                  | ১,০০০/-                            |                                                                                  |
| ০৭. | জেলা প্রশাসকের নিকট থেকে ফেরত প্রাপ্ত                           | ---                       | ১,৫২,০০০/-             | ---                                |                                                                                  |
| ০৮. | পূর্ববর্তী বছরের স্থিতি/সংরক্ষিত                                | ২০,৪২,১০৩/-               | ২০,৪২,১০৩/-            | ৩২,৩৮,৮০২/-                        |                                                                                  |
| ০৯. | সর্বমোট=                                                        | ২২,৬০,৯৩,১০৩/-            | ৪,১১,৫৭,৫৪৩            | ২২,৬১,৯১,৮০২/-                     |                                                                                  |

(খ) ২০১৬-২০১৭ অর্থ বছরের সংশোধিত ব্যয় বরাদ্দ ও ২০১৭-১৮ সনের প্রস্তাবিত/সম্ভাব্য ব্যয় বরাদ্দ:

| ক্রমিক | ব্যয়ের খাত                                                                    | অনুমোদিত ব্যয়<br>বরাদ্দ ২০১৬-১৭ | সংশোধিত ব্যয়<br>বরাদ্দ ২০১৬-১৭ | প্রস্তাবিত<br>বরাদ্দ ২০১৭-১৮ | মন্তব্য                             |
|--------|--------------------------------------------------------------------------------|----------------------------------|---------------------------------|------------------------------|-------------------------------------|
| ০১.    | সাধারণমঞ্জুরী( কর্মকর্তা/কর্মচারীগণের বেতন ভাতা ও সংস্থাপন ব্যয় বাবদ প্রাপ্তি | ৮৮,৬৮,০০০/-                      | ৮৮,৬৮,০০০/-                     | ১,৩০,০০০/-                   | রাজস্ব বরাদ্দ                       |
|        |                                                                                | ০০                               | ০০                              | ১,০০,০০,০০০/-                | ট্রাস্ট তহবিল                       |
| ০২.    | মেরামত মঞ্জুরী                                                                 | ১১,২০,০০,০০০/-                   | ১,১২,৬৪,৫০০/-                   | ০০                           | ট্রাস্ট তহবিল                       |
|        |                                                                                | ০০                               | ০০                              | ১১,১৬,০০,০০০/-               | রাজস্ব বরাদ্দ হতে প্রাপ্তি সাপেক্ষে |
| ০৩.    | মূলধন মঞ্জুরী                                                                  | ১,৩০,০০০/-                       | ১,৩০,০০০/-                      | ১,৭০,০০০/-                   | রাজস্ব বরাদ্দ                       |



| ক্রমিক | ব্যয়ের খাত                                                                       | অনুমোদিত ব্যয়<br>বরাদ্দ ২০১৬-১৭ | সংশোধিত ব্যয়<br>বরাদ্দ ২০১৬-১৭ | প্রস্তাবিত<br>বরাদ্দ ২০১৭-১৮ | মন্তব্য                                                                  |
|--------|-----------------------------------------------------------------------------------|----------------------------------|---------------------------------|------------------------------|--------------------------------------------------------------------------|
| ০৪.    | মহান বিজয় দিবস ও<br>স্বাধীনতা দিবস উদযাপনের<br>জন্য ব্যয়                        | ৫২,০০০/-                         | ৫১,০০০/-                        | ৫২,০০০/-                     | রাজস্ব বরাদ্দ                                                            |
| ০৫.    | দুর্গাপূজার অনুদান                                                                | ১০,০০,০০,০০০/-                   | ১,৪৯,২৪,০০০/-                   | ১০,০০,০০,০০০/-               | প্রাপ্তি সাপেক্ষে মাননীয়<br>প্রধানমন্ত্রীর ত্রাণ ও<br>কল্যাণ তহবিল হতে। |
| ০৬.    | ধর্মীয় প্রতিষ্ঠানে প্রদানের<br>জন্য ধর্মীয় বই ক্রয়                             | ২,০০,০০০/-                       | ---                             | ২,০০,০০০/-                   | ট্রাস্ট তহবিল                                                            |
| ০৭.    | বোর্ড/উপ-কমিটি সভার<br>সম্মানি                                                    | ৩,৩০,০০০/-                       | ২,৪৯,০০০/-                      | ৩,৩০,০০০/-                   |                                                                          |
| ০৮.    | চেকে যুগ্ম-স্বাক্ষরকারীর<br>সম্মানি                                               | ১৮,০০০/-                         | ১৮,০০০/-                        | ১৮,০০০/-                     |                                                                          |
| ০৯.    | বোর্ড সভার আপ্যায়ন ও<br>অন্যান্য                                                 | ১,০০,০০০/-                       | ৩৫,০৩৫/-                        | ১,০০,০০০/-                   |                                                                          |
| ১০.    | ট্রাস্টিগণের বোর্ড সভায়<br>উপস্থিতির জন্য ভ্রমণ ভাতা                             | ২,০০,০০০/-                       | ৮৬,৩৯০/-                        | ২,০০,০০০/-                   |                                                                          |
| ১১.    | তীর্থ দর্শন                                                                       | ২,০০,০০০/-                       | ৬৮,৮১৬/-                        | ৫,০০,০০০/-                   |                                                                          |
| ১২.    | বিশেষ চিকিৎসা ভাতা                                                                | ১,০০,০০০/-                       | ৫০,০০০/-                        | ১,০০,০০০/-                   |                                                                          |
| ১৩.    | দৈনিক ভিত্তিতে নিয়োজিত<br>কর্মচারীর বেতন পরিশোধ।                                 | ১,৮০,০০০/-                       | ১,৭৪,০০০/-                      | ২,০০,০০০/-                   |                                                                          |
| ১৪.    | নতুন প্রকল্প প্রণয়ন ব্যয়                                                        | ০০                               | ০০                              | ৩,০০,০০০/-                   |                                                                          |
| ১৫.    | মশিগশি প্রকল্প ৪র্থ পর্যায়<br>(সমাপ্ত) কার্যক্রম চলমান<br>রাখার জন্য (ফেরৎযোগ্য) | ০০                               | ০০                              | ২,০০,০০০/-                   |                                                                          |
| ১৬.    | ট্রাস্টের স্থায়ী আমানত বৃদ্ধির<br>জন্য এফডিআর                                    | ২০,০০,০০০/-                      | ২০,০০,০০০/-                     | ২০,০০,০০০/-                  |                                                                          |
| ১৭.    | শেষ স্থিতি                                                                        | ১৭,১৫,১০৩/-                      | ৩২,৩৮,৮০২/-                     | ৯১,৮০২/-                     |                                                                          |
| ১৮.    | সর্বমোট=                                                                          | ২২,৬০,৯৩,১০৩/-                   | ৪,১১,৫৭,৫৪৩/-                   | ২২,৬১,৯১,৮০২/-               |                                                                          |

সার্বিক আলোচনান্তে আয়-ব্যয়ের বাজেট সঠিক আছে মর্মে সকল সদস্য একমত পোষণ করেন।

সিদ্ধান্ত :- ৫. উপস্থাপিত বাজেট সর্বসম্মতি ক্রমে অনুমোদন করা হলো।

৬। ট্রাস্টের জনবল বৃদ্ধি।

আলোচনা :- সচিব সভায় জানান যে, বাংলাদেশে হিন্দু জনগোষ্ঠীর সংখ্যা ১.২৫ কোটি ( BBS ২০১১ অনুসারে)। এই জনগোষ্ঠীর কল্যাণের জন্য প্রতিষ্ঠিত হিন্দু ধর্মীয় কল্যাণ ট্রাস্ট এর একটি মাত্র অফিস ঢাকায় অবস্থিত, জনবল মাত্র ১১ জন। এই জনবল দিয়ে সমগ্র হিন্দু ধর্মালম্বী জনগোষ্ঠীর কল্যাণ সাধন করা সম্ভব হয় না। বর্তমান সরকার বাংলাদেশকে ডিজিটাল বাংলাদেশ গড়ার লক্ষ্যমাত্রা নির্ধারণ করেছে। প্রশাসনকে জনগণের দোড়গোড়ায় পৌঁছে দেয়ার লক্ষ্যে সুশাসন নিশ্চিত করতে বিভিন্ন পদক্ষেপ গ্রহণ করেছে। তাই হিন্দু ধর্মীয় কল্যাণ ট্রাস্টের ১১জন জনবলের একটি মাত্র অফিস দ্বারা সার্বিক কার্যক্রম পরিচালনা কোনভাবেই সম্ভব নয়। এ বিষয়ে আলোচনা ও সিদ্ধান্ত গ্রহণ। ইতোপূর্বে জনবল বৃদ্ধির জন্য অতিরিক্ত ২৫টি পদ সৃষ্টির জন্য পত্র লেখা হয়। পদ সমূহে ১জন পরিচালক, ১জন উপ-পরিচালক, ২জন সহকারী পরিচালক, ১জন প্রশাসনিক কর্মকর্তা, ১ জন হিসাব রক্ষণ কর্মকর্তা, ১জন কল্যাণ কর্মকর্তা ১জন প্রকাশনা কর্মকর্তা ১জন এবং আন্যান্য ১৬ জন সহ মোট ২৫ জন কর্মকর্তা/কর্মচারী উল্লেখ আছে। সভায় আলোচনান্তে উপস্থাপিত ২৫টি পদের কাঠামো ও জনবল অনুমোদন করা যায় মর্মে সকল সদস্য একমত পোষণ করেন।

সিদ্ধান্ত :- ৬. হিন্দুধর্মীয় কল্যাণ ট্রাস্টের কার্যালয়ে ১জন পরিচালক, ১জন উপ-পরিচালক, ২জন সহকারী পরিচালক, ১জন প্রশাসনিক কর্মকর্তা, ১ জন হিসাব রক্ষণ কর্মকর্তা, ১জন কল্যাণ কর্মকর্তা ১জন প্রকাশনা কর্মকর্তা ১জন এবং আন্যান্য ১৬ জন সহ মোট ২৫ জন কর্মকর্তা/কর্মচারী সমন্বয়ে জনবল কাঠামোর অনুমোদন দেয়া হলো। সচিব হিন্দুধর্মীয় কল্যাণ ট্রাস্ট মন্ত্রণালয়ে প্রস্তাব প্রেরণ করে ত্বরিত জনবল বৃদ্ধির ব্যবস্থা গ্রহণ করবেন।



বিষয় :- বিবিধ-১. তীর্থ ভ্রমণ।

আলোচনা :- সম্মানিত ট্রাস্টি ও তীর্থ ভ্রমণ উপ-কমিটির সভাপতি শ্রী বিপুল বিহারী হালদার জানান যে, তীর্থ ভ্রমণ উপ-কমিটি ১ম সভা অনুষ্ঠিত হয়েছে। খসড়া নীতিমালা প্রক্রিয়াধীন রয়েছে। তিনি আরো জানান যে, খসড়া নীতিমালায় বছরে একাধিক ভ্রমণের প্যাকেজ থাকবে। প্রতিটি তীর্থ ভ্রমণে তীর্থ যাত্রীর সংখ্যা সর্বনিম্ন ৪০ জন এবং সর্বোচ্চ ১০০ জন হতে হবে। প্রতিটি তীর্থ ভ্রমণের খরচের ৫০% ট্রাস্ট হতে এবং বাকী ৫০% খরচ তীর্থ যাত্রীদের নিকট হতে বহন করতে হবে। প্রতি ০৯ জন তীর্থ যাত্রীর জন্য ট্রাস্ট কর্তৃপক্ষ হতে ১ জন গাইড অন্তর্ভুক্ত থাকবে।

আগামী ২৭ হতে ২৯ শে ডিসেম্বর চট্টগ্রাম চন্দ্রনাথ ধাম ও কক্সবাজারের আদিনাথ মন্দির ধাম ভ্রমণের জন্য ১ম প্যাকেজ ঘোষণার প্রস্তাব করেন। এ তীর্থ ভ্রমণে সম্ভাব্য খরচ ২,৫০,০০০/- টাকা। এই তীর্থ যাত্রায় ৪০ সীটের একটি বাস যোগে তিন দিনের সফর সম্পন্ন করা হবে। ট্রাস্টি মহোদয়গণ যারা এই প্যাকেজে তীর্থ ভ্রমণে যেতে ইচ্ছুক তাদেরকে আগামী ৩০শে নভেম্বর ২০১৭ তারিখের মধ্যে নাম অন্তর্ভুক্ত করতে হবে। সম্মানিত ট্রাস্টিদের নাম অন্তর্ভুক্তির পর বাকী তীর্থ যাত্রীদের নাম (৪০ জন পর্যন্ত) অন্তর্ভুক্ত করা হবে। তীর্থ যাত্রীদের আগামী ১৫ ডিসেম্বরের মধ্যে নাম জমা দিতে হবে। এ বিষয়ে অন্যান্য ট্রাস্টি মহোদয়গণ আলোচনা করেন। তীর্থ ভ্রমণের ১ম প্যাকেজ বাস্তবায়নে সকল সদস্য একমত পোষণ করেন।

সিদ্ধান্ত :- ৭-১. তীর্থ ভ্রমণ উপ-কমিটি দ্রুত খসড়া নীতিমালা পেশ করবেন এবং তীর্থ ভ্রমণের ১ম প্যাকেজ চন্দ্রনাথ ও আদিনাথ ধাম ভ্রমণ আগামী ডিসেম্বর ২৭ হতে ২৯ তারিখে বাস্তবায়ন করবেন। তীর্থ যাত্রী হতে ইচ্ছুক আগামী ট্রাস্টি মহোদয়গণ আগামী ৩০ নভেম্বরের মধ্যে তাদের আগ্রহের কথা জানাবেন।

বিষয় :- বিবিধ-২. প্রকল্পের কর্মকর্তা বদলী।

আলোচনা :- সম্মানিত ট্রাস্টি শ্রী রিপন রায় (লিগু) জানান যে, কিশোরগঞ্জ জেলার মন্দিরভিত্তিক শিশু ও গণশিক্ষা কার্যক্রম প্রকল্পের সহকারী পরিচালক, জনাব সঞ্জয় পাল ও তার স্ত্রী একই ষ্টেশনে কাজ করেন। সহকারী পরিচালক সঞ্জয় পালকে বদলী করা প্রয়োজন। সম্মানিত ট্রাস্টি শ্রী সুরত পাল জানান যে, কিশোরগঞ্জে অবস্থানরত দু'জন ট্রাস্টিই যেহেতু চান কাজেই সহকারী পরিচালককে অন্যত্র বদলী করা হোক। সচিব সভায় জানান যে, সহকারী পরিচালকদের নিয়োগ প্রদান করা হয়েছে ধর্ম বিষয়ক মন্ত্রণালয় থেকে। মন্দিরভিত্তিক শিশু ও গণশিক্ষা প্রকল্পের ৪র্থ-পর্যায়ের মেয়াদ শেষ হওয়ায় প্রকল্পের সকল কর্মকর্তা অব্যাহতি পেয়েছে। ধর্ম বিষয়ক মন্ত্রণালয়ের নির্দেশে বর্তমানে সমাপ্ত প্রকল্পের কাজ চালিয়ে যাওয়া হচ্ছে। প্রকল্পের ৫ম-পর্যায় পরিকল্পনা কমিশনে অনুমোদনের অপেক্ষায় রয়েছে। প্রকল্প অনুমোদিত হলে কর্মকর্তা/কর্মচারীদের পদায়ন ও বদলী করা সমীচীন হবে। সভাপতি মহোদয় বলেন যে, স্বামী-স্ত্রী একই স্থানে চাকুরি করতে পারলে তা রাষ্ট্র ও পরিবার উভয়ের জন্য ফলপ্রসূ।


সিদ্ধান্ত :- ৭-২. সচিব, হিন্দুধর্মীয় কল্যাণ ট্রাস্ট, মন্ত্রণালয়ের পরামর্শ গ্রহণ করে সহকারী পরিচালককে বদলীর ব্যবস্থা করবেন।

বিষয় :- বিশিষ্ট হিন্দু ব্যক্তিবর্গের নামের তালিকা প্রণয়ন।

আলোচনা :- সম্মানিত ট্রাস্টি শ্রী রিপন রায় (লিগু) জানান যে, বঙ্গভবনে তালিকা প্রেরণ নিয়ে ইতোপূর্বে বিভিন্ন সমস্যা হয়েছে। কাজেই ট্রাস্টি বোর্ড কর্তৃক তালিকা অনুমোদন করে তা বঙ্গভবনে প্রেরণ করা যেতে পারে। সকল সদস্য এ বিষয়ে একমত পোষণ করেন।

সিদ্ধান্ত :- ৭-৩. ট্রাস্টি বোর্ডের অনুমোদন নিয়ে অতিথিদের তালিকা বঙ্গভবনে প্রেরণ করতে হবে।

সভায় আর কোন আলোচ্য বিষয় না থাকায় মাননীয় সভাপতি সকলকে ধন্যবাদ জানিয়ে সভার সমাপ্তি ঘোষণা করেন।




(অধ্যক্ষ মতিউর রহমান)

মাননীয় মন্ত্রী, ধর্ম বিষয়ক মন্ত্রণালয়  
ও চেয়ারম্যান, হিন্দুধর্মীয় কল্যাণ ট্রাস্ট।



অনুলিপি সদয় জ্ঞাতার্থে ও কার্যার্থে:

- ১। বিচারপতি গৌর গোপাল সাহা, সম্মানিত ভাইস-চেয়ারম্যান, হিন্দুধর্মীয় কল্যাণ ট্রাস্ট।
- ২। শ্রী/শ্রীমতী.....  
সম্মানিত ট্রাস্টি, হিন্দুধর্মীয় কল্যাণ ট্রাস্ট।
- ৩। যুগ্মসচিব (সংস্থা), ধর্ম বিষয়ক মন্ত্রণালয়, বাংলাদেশ সচিবালয়, ঢাকা।
- ৪। প্রকল্প পরিচালক, মণিগণি প্রকল্প, হিন্দুধর্মীয় কল্যাণ ট্রাস্ট।
- ৫। প্রকল্প পরিচালক, এস.আর. এস.সি.পি.এস. প্রকল্প, হিন্দুধর্মীয় কল্যাণ ট্রাস্ট।
- ৬। মাননীয় মন্ত্রীর একান্ত সচিব, ধর্ম বিষয়ক মন্ত্রণালয়, বাংলাদেশ সচিবালয়, ঢাকা।
- ৭। সচিব মহোদয়ের একান্ত সচিব, ধর্ম বিষয়ক মন্ত্রণালয়, বাংলাদেশ সচিবালয়, ঢাকা।
- ৮। ফিল্ড অফিসার, হিন্দুধর্মীয় কল্যাণ ট্রাস্ট ( ফোকাল পয়েন্ট ও তথ্য কর্মকর্তার দায়িত্বে নিয়োজিত)।
- ৯। অফিস কপি।



(রজিত কুমার দাস)

(যুগ্মসচিব)

সচিব

হিন্দুধর্মীয় কল্যাণ ট্রাস্ট

ফোন: ৯৬৭৭৪৪৯।

ই-মেইল: hindustrustbd@ymai.com